

安
年
集



这本《安年集》是赠与图书馆聘任馆员者，不是赠给私人的。应列入总括收入簿、分部收入簿并编号入分册登记簿。物后交教师参考室负责人杨作新同志签字领收入单。

——以后类似的事都以此办。

此致

赵西祥同志知照办理。

成毅宇 敬礼上

一九八三年七月十三日

一九八三年癸亥版

安年集

不外如是齋李知其

刊贈

序言

辛酉秋，余自母校葛量洪教育學院講席退休，一時恐未能適應賦閑生活，晚間除仍在官立中文夜學院擔任每週一晚之文字學功課外，另於香港中文大學校外進修部導讀三項課程：先後計有詩學入門十六講、詞學入門十六講、詩詞修辭賞析十六講。每講一小時，全年三科合共四十八小時，迄今已歷一載有半。年內兼修三項課程者，超過二十人，只修一科或二科者亦有過百之數。平日讀諸同學詩詞習作頗多，去年冬，因興議集稿成冊，以資共賞。奈其時各同學多已先後分散，無從聯絡，而仍在進修者，又有不欲以習作示人，亦不便強之。現僅能徵集得二十位同學來稿：計有詩作七十首、詞一百零三闋，連同拙作詩十五首、詞四十四闋，總共得

詩八十五首，詞一百四十七闋，輯成是冊。書印成後，將分贈各位惠稿之同學每人三十本，以示酬獎。望能轉贈同好，互相問學，並可請益高明，仰求教正，亦雅事也。

猶憶各位同學初來練習平仄，寢而得句成篇，其間各自沉著力學，可嘉可羨之志，感余至深。獨惜余譾陋不敏，學欠專精，辱承下問，所能爲諸君子解惑者不多耳。余雖曾任教於本港三間官立教育學院達二十餘年，但可資自信者，僅餘數淺之教學心得，若論文思翰藻，恐未必能企及各位來學者也。大雅方家有垂覽斯冊者，當可證余言非盡是謙遜之辭焉。蓋文學才華，一若其他藝術，有賴天資，豈徒藉苦困年限可以爲功者耶？第詩詞不外爲小巧文字，各同學亦不可自視過高，偶然興會吟詠，但求盡其在己可耳；若必亟亟以之

與人爭比高下，實屬無謂。余意詩詞之功用，最宜抒懷遣暇，縱或可賴之以涵養性情，絕不可誤託之以治事謀生。而今各類科學昌明，日新月異，青年才俊學子理應放眼世情，致力攻研可經受客觀考驗之專業科技：或數理化、或工農醫、又或商管電腦，要以務實爲本；業有餘閑，稍涉古今詩詞吟唱遊藝，斯可已矣。若夫終日競以一字之奇、一韻之險、一句之警、一篇之麗，縈迴腦際，沾沾自銜，是則荒廢歲月，徒然孤負聰明，無益國計，決非未來國家棟樑所當爲之事也。更甚難堪者，莫若因此而引致文人嫉妒，有傷雅懷，其害也寧非自招者歟！

余客途際遇坎坷，發言爲詩，不免時有情懷落寞之歎。年逾半百，猶是顛沛未止，辱節平生，此實非貨利可以補償

慰安者也。忍見當前輿論：狂瀾攻訐修身約己爲偽善，合力標榜縱欲營私爲率真；心蔽處，以娼爲法，以貧爲耻；見之於行動，則諂佞求賞，媚外求貴；獨認感官之遂意乃世間幸福之蹊徑，而敵視清流義理有若洪水猛獸者焉。所謂萬物之靈，百年之間情變如此。舉目荒涼，奚以言歡！而今退居避世，回首前塵，每歎壯懷之易斂；賦言逸志，獨惜翰墨之難工。思維愈久，寂寞愈深。告老之年，靜養餘生，惟共聊情於天籟；已盟儉約，孰許寄意乎掌聲？況值茲世亂續紛，正道偏廢，此間俗事，曷有可爭可爲者耶？由是不免傷懷於內，微言於外。耿耿孤心，料非在此地受多年教育之時賢所能瞭解什一者也，是亦可哀矣。

各同學君子風華正茂，倘能高瞻遠矚，潔身自愛，追本

思源，不以一士諤諤爲土氣，引懷高詠，則至性至情之作與夫壯言勵志之句，定可成篇，自必較余之頽唐文字爲可觀也。然則亦可稍慰余懷矣。過去年半，與諸同學在中大校外進修部上課之地點均在九龍漆咸道南之安年大廈；是冊旣成，因名之爲安年集，藉誌一時之雅叙焉。今時各人皆已先後結業分別，重晤無期，儻來感觸，不覺多費筆墨，叨贅再三。諸君子他年賦懷，偶或重披此頁，其毋有欸歔共鳴者乎？癸亥春日廣東南海李知其識於香港不外如是齋，時年五十有三。

目錄

頁號

古體詩七首

五言五首

一五至一六

七言二首

一七

近體詩六十七首

五絕二十二首

一八至二一

五律十二首

二一至二四

七絕十九首

二四至二九

七律十四首

二九至三四

詞三十五調一百四十三闋

十六字令七闋

三五至三六

憶江南二十三闋

三六至四一

搗練子四闋

四二

憶王孫一闋

四三

調笑令三闋

四三

如夢令三闋

四四

相見歡三闋

四四至四五

長相思十三闋

四五至四八

生查子一闋

四八

浣溪沙三闋

四九

卜算子四闋

四九至五一

采桑子三闋

五一至五二

菩薩蠻四闋

五二至五三

減字木蘭花十闋

五三至五六

謁金門二闋

五六至五七

憶秦娥七闋

五七至五九

清平樂二闋

五九至六〇

阮郎歸二闋

六〇至六一

攤破浣溪沙一闋

六一

西江月十一闋

六一至六五

偷聲木蘭花一闋

六五

鷓鴣天六闋

六五至六七

南鄉子二闋

六七至六八

鵲橋仙三闋

六八至六九

虞美人五闋

六九至七〇

木蘭花二闋

七〇至七一

踏莎行一闋

七一

臨江仙四闋

七一至七三

釵頭鳳二闋

七三

蝶戀花二闋

七三至七四

破陣子二闋

七四至七五

定風波二闋

七五

滿庭芳二闋

七五至七六

木蘭花慢一闋

七六至七七

多麗一闋

七七至七八

遊戲詩十一首

冠頂二首

七九

廻文三首

七九至八〇

謎象六首

八一至八二

遊戲詞四闕

摘字填詞二闕

八三至八四

倒句二闕

八四至八五

古體詩

即目

癸亥香江

李知其

末世鬧邪風，嫖賭招牌亮。慣讀已忘羞，豪情衆生相！

花事

凌毅

松竹半燒枯，芳蘭任鋤去，晚菊帶霜殘，梅魂無覓處。

訪石牌

一九八三年

劉松添

漫步在石牌，歡欣無可比。依稀廿年前，初來探知己。

漁父行

麥兆基

烟渚橫漁舟。蓑翁撒網急。初網無魚踪。更網得小鯽。操勞兩時辰。收穫微如塵。豈伊水太清。魚蝦不藏身。我道水仍舊。奈何翁老瘦。老瘦氣力微。力微魚兒溜。滾滾水東流。悠悠歲月浮。伊昔翁盛年。力足搏鯨虬。水域任縱橫。舉網

千斤酬。彈指青春空。霜鬢迎西風。垂垂古稀齡。猶處波濤中。歲月復無情。消逝何太速。老至仍辛勞。翁命何偁促。何當歇所營。尚餘萬里程。何當享悠閒。期諸百年還。

癸亥述懷

李知其

歲逢五十三，塵會半世紀。渺渺獨自行，茫茫雜衆企。既得時日閑，豈羨錦羅綺。採枝涉江川，開花競桃李。答客語平生，海鷗況相似：滄海旋天遊，身世輒談止。往日翻酒歡，紅綃選曲美；今夕閉戶居，趺坐忘春喜。哀樂無長留，念過如是耳。貨利少牽縈，幽懷漸升起。逸志乘風巔，宿雨落地底；落地空尋根，根雲遠鄉里。舉目江山蒼，北向危闌倚，迷路長短亭，歸程從何始？飛絮飄芳洲，浮萍逐碧水，顧影情難堪，託庇念可耻。斷雁悲淒風，我心亦如此。